

朱太復乙集

朱太復乙集卷之十六

五湖朱長春太復著

詩

七言排律

戊戌

計一首

三月四日清明有感南湖春興因寄玄栖
道懷隨喜漫成二十二韻

今春春事倍堪憐
寒食清明上巳連
釀暖初暉羣卉麗
澆膏朝雨百花鮮
林鶯布穀嬌長盡
野馬游

絲蟻薄煙勝序并臨融物色佳光到巖靄山川釣
魚碣集開山最伏虎灘喧賽佛船釀社王孫齊伐
鼓行齊游女間遺銅相驅並遜花間飲相醉時留
石畔眠網鯉行厨浮作雪挑錢取酒湧如泉昨朝
野饋寒烟底今日流觴潔水邊未遣尋花迷古渡
復教攀柳上新阡碧湖正逐川嬌好玄館初開雲
卧偏丹火燒餘聞綠水黃庭誦罷起朱絃定心不
住繁華界道趣恬遊葵浪天興至獨船常率爾春
來萬物共熙然鹿鳴啣草如賓席鶴舞迎花當伎

筵雲石鍊餐偏勝玉華池挹酒不論錢麻姑或過
蔡經宅王母曾知方朔仙徑竹自遮門外跡溪花
不惹世中緣人迷島嶼疑方丈我寄烟霞引歲年
鳥適南冥扶九萬桃生東海熟三千幻看炊黍春
秋變靜見跳丸日月遷却咲囂豪醉公子年年興
盡落花前

庚子

計一首

錦塘瞻禮寶石山浮圖佛燈長句

寶塔燈然翠微際雙林疑現白毫光夜懸佛日明

空界火落天花散下方樹色似分秋月澹鍾聲如
度曉雲黃熒熒下映珠宮遠裊裊斜連銀漢長勢
亘長虹吞遠海影飄瀑布掛崇岡嵌中龍象窺三
昧沙外津梁度一航岨出漁人移細火枝栖烏鵲
動飛霜誰看解佩凌波去若有探珠戲水傍浪說
星橋千丈迥虛傳銀樹九華芳無明大地歸圓覺
不夜諸天徹宵茫直是迷宗冥色相好來一照禮
空王

癸卯一首

送潘儀部去聞使還八韵

官道張帆春雨中使星還節日華東
趨庭舊服辭吳苑止輦新車入漢宮
青鳥楚頭問方朔甘泉賦裏識楊雄
雲霄結綬看朋舊江海持竿卧老翁
剡曲興來曾泛泛蘆中行別損怱怱烟霞痼疾偷
生在軒冕忘機玩世同大隱豈須招小隱八公端不
謝三公請看濯足五湖客已托冥飛萬里鴻

甲辰

三日脩禊弁山佑聖宮姻朋子姪咸集十

朱太復乙集

詩卷之十六

三

二韻

山佑聖宮玄帝節里俗競進士女萬餘

暮春芳序集川嬉上巳晴光動水漪石倚曾阿沙
淡淡煙銷長薄草離離桃花半落青天雨楊柳纖
垂白日絲北岳金宮遺勝地東流玉佩亦良時坐
當峻嶺陳筵辟飲傍回沙泛羽遲獨自漸裳脩袂
楔幾人點筆漫題詩挾九公子連錢馬拾翠佳人
盤繡襦並戲拂巾翻紫燕聯歌調管鬪黃鸝一觴
一詠猗蘭合相逐相邀芍藥期欲取藤蘿懸白日
借將笠澤挹添卮風塵此外途堪畏山水之閒心

好遠薄暮歸所漱流去松風吹袂下南陂

乙巳

計三首

春王三正山中賦懷長律三篇

以日當歲
每加十二

三日益二

以當閏

元日一十二韻

正序元會五辛祥三老珍遺三秀香天闌玉衡開
御曆山家雲鼎試仙方朝正萬國珪璋輯謁帝
羣真鸞鶴翔壽借南山稱北極觴邀西母禮東皇
杖鳩冠鵲吾初老掃席然香界兩行物外齊筵非

酒脯人間致歲亦衣裳郊扉鎮日無賓騎水檻乘
春有釣航隴放牛羊宿麥秀隣過鳥雀早梅芳年
侵伏櫪歌千里心薄懷沙賦九章一室蓬蒿棲仲
蔚十年畏壘熟庚桑重翻舊日椒花頌細酌流霞
柏葉漿自咲丹砂養生主人言白首尚書郎

二日二十四韻

太乙東皇會北宸新正元日接元辰台階蓂莢初
添葉瀛海扶桑再碾輪百子醞芳斟更好萬年枝
茂祝還新千官宴謝龍樓旦五位酣餘鳳幄春鵷

鵲白浮鸞結綺芙蓉雲錦將顰三青鳥獻桃三
熟九吳天開樂九鉤舞馬登牀馳大宛游龍噴水
羅衣盛裝佻胡光形殊種候子疇官技絕倫晏戲
傳法戲情望新聲按出李夫人流珠萬樹天常晝
紫雲三上夜向晨後輦千花移玉樹前星一點傍
金闕六塔圓迎王母復向甘泉候列真此日六
帝臨壇並此時九陌湧香塵百僚休沐春王假萬
姓

聖主仁端地衢尊歌禹甸中田土鼓樂充民東風

分野合朔生明映始躔東秩寅賓殷夏正西生庚
位朗虞淵玄端后服迎薰道丹火陰符候赤天試
取鸞聲和六御還將彗影引初弦八風卦氣中鍾
律七政瑤光降斗璿帝出青陽調寶燭天開玉宇
吐祥烟四廂九奏三迎歲千社諸方屢祝年春氣
此時皆鼓鬯春觴何地不流連山厨賸采金光草
月鑑新調玉乳泉也逐歲時仍土俗雖無賓友亦
家筵乃公歌落雙童和隣里觴延四座聯一酌一
斟狂爛湯半酣半醒興賞緣喜逢端履嬉春早忽

記彈冠憶往年都雅才人嬌倚玉激昂壯士急先鞭
公車曉奏牘三萬子墨宵揮酒十千好客鸛裘時
出典淫書螢炬夜高懸三飛鳧烏雲間迴兩種
桃花春後妍蓬累少窮苦土蚤簿書煩病海沙濺
含香有命歸吟越止輦憂天起赴燕借釵一朝攀
北關懷沙萬里遂南遷幾危投鼠雷火碎得活批
龍天地偏從此烟霞行老矣于今爐藥遂飄馬洞
庭元有洞天屋金蓋遙傳金簡編辟穀赤松七改
大單衣白雪十周元上招青鳥下玄鹿右拍洪崖

二一
大塊寄終懷狗馬寸心煎萬年
無事四海妖氛詎偶然白馬沈流河竭澤
黃熊入國雨騰川春傷許許長干木月進班班河
間錢金穴鬼號銀甕乏楸宮火接柏梁燃交凶白
月終閭隔一涕潢池豈瓦全若個回天扶軸正老
夫中聖好杯俦禽花年結歡遊伴山水春邀酬對
玄聽取黃鸝歌宛宛行隨鷓鴣舞僊僊王孫冀北
蒙盤馬士女江南翠拾鈿廓落乾坤雙羽袖逍遙
江海一漁船長留行樂三春日便是冲虛九老仙

朱太復乙集卷之

五湖朱長春太復著

詩

五言絕句

丙申計八首

喜客泉 茅山

蒼池含綠藻浮沫如流雪
磊磊有清音如與客相
答

初聞鴈

一灘三日下萬里幾時歸月出交河白今朝秋鴈飛

桃花口

舟入桃花口雞聲出月斜門流御溝水不是避秦家

思婦悲

夜船泊秋水明月照床帷月中擣衣聲床頭思婦悲

歸急

落月際川沙川上林肅然露寒蟲不鳴三更行客
船

晨坐

鷄鳴止止巖客心空秋水開船望朝霞旭日以曠
起

九日對菊懷馬函一二首

采菊孤舟裏故人千里思悠然隱者意試問黃花
知一

贈別東籬菊開時不見君携花上江嶺北望剡門

雲

再示築雪童子

久侍主人隱得諳林壑趣勢象結天成幽虛合道
意

戊戌計二首

夏夕泛湖偶成二首

夕風蘋末收湖水止可鑑倒落青芙蓉參差藻間
見一

日落湖氣清微涼生葭蘆浮船弄秋月濯手輝流

波

己亥計一首

定後經行即目

露清獨鶴鳴落月在山際空湖白亘天時動漁燈
細

庚子計九首

西湖片石居游曲八首

一壺

臨池一壺酒坐對門前山醉來落日下獨見孤雲

還

罷酌

對月罷獨酌
解衣卧斷橋
湖水曠不喧
江聲生夜潮

晞午

赤日波沄沄
晞髮斷橋午
重衣生微寒
清涼淨為土

逐釣

湖水空我心
悠悠何為者
却逐釣魚人
垂竿綠楊

下

戲月

散髮御天風
白堤踏明月
平湖浮太虛
青山皓如雪

醒酒

湖風吹酒醒
白月掛西陵
起舞綠楊下
三更聞采菱

竟日

廓然以坐嘯
領此山水暉
惠風林末來
泠泠樂我

饑

夜步

湖際舟燈起疑是殘月出開門步唐中霜落草光

白

大醉睡醒呈婦翁

夕飲城中婦翁宅忽忽到溪一卧三更猶不知

歸也

酩酊下船時醒來都已忘推窗視明月莫是卧東
牀

辛丑

計三首

曠然

我心方曠然林末風亦生好鳥集山間交交終日鳴

湖夕

諸峰夕氣銷湖水凝孤月遠舟颺白烟片片如秋葉

露坐

懸衣楊柳枝露坐明月堤天清城漏迥湖曠山雲低

壬寅一首

四時

春草有遠意夏林饒芳涼秋風越清聲冬雪凝
光

甲辰計四首

早春落日泛湖發興四絕

落日次湖裔霞生暉白波遙山散餘雪乍興
多

歸鳥日邊盡流雲川際還江門一片月飛上

山二

挂席陵湖月忽焉縱所如空山犬吠中時見人烟
疎三

吳歌將棹聲去去邀明月相識蘆中人遲我釣魚
碣四

丙午三首

經行

鳴鶴起和歌竹中鳥忽忽經行不知曙
白
曉劃東方

晨雨

陌頭桑始黃
花落紛如許
晨起似關情
開門立春雨

夕興

江缸飲餘雨
反景上脩竹
歌櫂從何來
收船向村宿

丁未
五首

春朝溪上四首

日初欲出時
晨光澹如月
長川蕩春波
青山點寒

雪

紛紛舟出溪泚泚鳥啼徑日上照河低開門數家
靜

麥葉綠中田枯楊倚廣陌時雨昨夜過農耕雪始
釋

門前梅花落夜坐憶長安東風歸鴈急萬里寄書
難

夏園偶興

荷風田熟客桐蔭息涼蟬冰飲談玄後移琴就石

朱太復乙集

詩卷之十七

七

眼

第七十八卷

朱子集卷之六

五湖朱長春太復著

詩

七言絕句

丙申 計二十一首

東光逢客寄給舍朱仲脩二首

梁園花落憶離居
河口停船却寄書
為報湘江入去後
紛紛只見問鱸魚

陌上誰歌行路難
白頭愁向望長安
故人宿有滄

浪約先寄烟波一釣竿

東陌別出祖諸公就道三首

浮雲娜娜建章宮門外停鞭近酒壚
班草一時冠蓋散柳條行處即江湖

逐臣馬上拂衣冠欲別長安不忍看
惱殺繁華遊俠子故吹羌笛送征鞍

荷花六月滿江東我去扁舟采未窮
寄語玉關楊柳曲風吹應不到山中

又送吳允飛還吳郡寄三首

還山去國一浮沈，已理初衣共入林。君到先看湖

上竹秋來，乘月好攜琴。

右寄園

歸時下若過扁舟，為語吾家馬少游。翦拂山中款

段馬如今無事得同遊。

右寄舍弟

憑把離騷問數公，大招今日又漁翁。具區流作湘

江水，共采芙蓉續楚風。

右寄晉叔元禮薦卿諸

公

月下小飲，忽聞采蓮示內。

河干楊柳閉門斜，夜聽吳歌唱若耶。明月江南更

東坡先生集卷之二十一
何處青尊相對此吾家

七月朔夜風起

涼風吹出殿西頭一夜河干先入秋
最是逐臣能墮淚却逢搖落下孤舟

臨發口號別中翰丁長孺

琴奏離鴻意不勝白河帆起別高朋
南遷正是秋風裏八月乘潮下廣陵

登舟重過馬函一清曠居苗嶺

昨夜涉江舟已開抱琴重向竹林回
兩人石上彈

流水疑是桃源漁父來

舟行口號別送客二首

河梁一上成千里海客孤征去五陵
窮無續食下菰秋飯到吳興

云去青雲遠白雲飄飄縑布絕縑塵入山唯怨不
天人未得疏麻難寄君

馬函一追送白河携菊榴二種為別即成
二首

越榜吳歌朝發航故人追送一離觴贈行歸去無

朱太僕七集卷之十一
他物今到東籬采菊香

罷酒狂歌拂劍頭
逐臣相對別當秋
片帆一去三千里
欲繫無端贈若榴

北河鱸魚寄興

潞河水口白沙微
八月鱸魚滿釣磯
無那秋風吹棹去
錯言蓴膾引人歸

次夜再題

兩岬蒹葭白帶霜
秋砧石畔客情長
河間八月聞歸鴈
不是遷人也斷腸

黃河舟澁

旅泊皇皇滯逐臣
秋高河落石磷磷
孤舟今夜投何處
草白平沙不見人

召伯河懷謝公

謝公鎮地沒寒沙
召伯湖頭秋月華
為憶東山棲隱處
白雲何處是君家

河膠屢屢舟回戲吟

還人萬里下孤舟
柳岸秋風不為留
只有多情白河水
一灣一度轉船頭

丁酉 詩六首

從張五樞南孝廉乞柳

新栽荷芰引方塘只少垂楊拂水香
記醉辟疆園內好分來常對月中觴

從張四君綸乞紅蓮二絕

愛殺君家紅藕花乞分新葉種溪沙
開時來坐看游女一曲江南唱若耶

江南采花女成群紅蓮愛殺映紅裙
與君相對春湖住來往輕橈弄水雲

又乞芙蓉

籬傍南塘綠水溶，涉江正好采芙蓉。
長條編插秋花滿，人在青山翠幾重。

從費四介承乞移湘竹

茆齋新結隱谿濱，一日何堪無此君。
欲借湘雲數枝淚，秋風吹向逐臣聞。

新釀成戲簡邀市中諸客

十月田家物色豪，黃雞黑鯽紫蟹螯。
整夜來白墮，凝如雪明日青梁，遲商曹。

己亥

計二首

壽王母八十

採得山中成喜芝上池和液奉尊慈年年堂北過
青鳥王母西來勸玉卮

歲晏吳關懷叔玄

十年夜雪虎關頭醉發吳鉞江上舟聞尹只今何
處隱獨餘明月照青牛

庚子

計八首

夕目二首

自挂江南春思孤蒼茫落日際平蕪洞庭雲色如
秋雨一片長虹亘五湖

下旅芳草夕陽間獨立長空飛鳥還月出半含春
水際蒼蒼雲落見包山

西湖夕道興四首

餐霞

夕日啣山景入湖倒傾玉液瀉冰壺却携瓢泛柳
洲上吸盡丹霞卧綠蕪

望月

朱太復乙集詩卷之十

六

固陵烟樹望中開
殘月初生近越臺
兩岬青山映江白
海門雲色帶潮來

雙槳

雙槳歌來綠水灣
西陵兒女采蓮還
城頭月出朱扉啓
家在長橋垂柳間

中流

半夜中流弄白雲
吳山燈落水沄沄
不知何處過仙駕
一片簫聲月裏聞

泛八盤夕泛歸片石湖中即詠

日掛蘇堤楊柳青江風吹月上西陵雙垂白練浮
空鑑却散疎星是水燈

夜叩松陵新闢有寄

為報關門夜問津扁舟乘月攬秋雲洞庭采得美
蓉滿可託相思寄贈君

辛丑

計四首

樓上

不溪雨過棹初回獨坐空樓聞落梅竹簾雲深入
不到川平日下鳥飛來

夜散西湖十錦白堤興句

江雲落盡衆山清
湖水沄沄月欲生
醉卧孤棹楊柳下
夜烏城上忽三更

露下楊花浥客衣
白堤啼鳥夜聞稀
遊人散盡春湖濶
獨見青山夾鏡飛

孤山陸宣公祠對柳

祠頭春草深綠茸
祠外春波亘白虹
大堤千樹落紅盡
唯有楊花吹酒中

壬寅

計十九首

南湖曲十九首

蒼水東西匯一區南湖人比小西湖天開片石中
流裏一樣青山帶綠蕪一

漁子前溪釣磯女郎下渚采菱歸相逢乍逗浮
山曲倚棹嬌歌白紵衣二

杯落天河泛碧霞湖空沙遠蕩秋槎月明正好尊
將盡遙說城南是酒家三

霸王城上夕烟濛左相山頭白石空雄豪一盡歸
何處依舊青山明月中四

群山如障鑑中開月挂高林景倒迴兩岬旅蘆吹
蕭蕭斷崖深處片帆來

五

兩蒼清遠甲三吳岳水君山勝好無斷石峙流如
卧馬筆尖畫出小浮園

六

醉從白露濕輕綃夜色秋波引去橈月度山西西
漾好移觴還進百明橋

七

乘月揮觴坐灑然廣川涼氣使人憐隔溪機杼南
城笛并作秋聲到酒邊

不見荒碑斷峴山風流堤柳月明間三更漁火吳

原缺

去盡遊人猶說故將軍

前朝帝子遺宮在莊外蓮華滿渡頭湖上采蓮夜
歸客秋風只唱白蘋洲

癸卯計三首

對酌梁上

屋頭梅花開雨遲石梁水生魚躍時兩人對酌不
相語此樂問魚魚不知

谿中偶成

吳興谿中老釣碣葉宮水傍翳林樾夜夜鶴鳴丹

火還啓簾嘯對南湖月

翠微作舍水晶楹清遠江南第一城管領山川問
誰主寒裳江海一遺民

甲辰

南湖漁父詞八首

漁人白艤挂青蓑網得生魚換酒多醉泊蘇灣橋
下月數聲蓮葉為誰歌

釣魚灣近釣魚山出沒烟波春雨間昨日桃花滿
谿上乘流看去未曾還

雨過浮山晒網時
南塘游女暮歸遲
却賒公子城頭酒
來聽將軍谿上辭

啣杯落日掛藤蘿
木葉紛紛入艇多
醉發前谿釣梅浦
一竿秋月洞庭波

城南水白鷺絲飛
網落千船遠
斷磯漁罷相邀醉
無事橫塘西去采蓮歸

五亭收市泊船頭
白墜紅菱菰飯秋
睡起日沈谿水靜
懸燈夜釣白蘋洲

五湖深雪蔽江天
棹觸流澌獨刺船
去去雲迷不

朱太復乙集

詩卷之十八

十一

知路雞聲落處是人烟

生來浩蕩託烟霞得醉狂歌不用嗟東道逢人問
居住往來蒼雪一浮家

汲泉入惠山道中小述

白恰秋風行未還船攜囊藥叩江關孤蓬犯雨渾
無事為汲名泉入惠山

水香淡淡襲船幽載得靈泉船兩頭行李空歌無
一物前途津吏莫相留

興至凌風逐采蓴江花渚草不迷津乾曰浩蕩虛

舟裏到處名山是主人

宿齊門

城上砧收海月生
闔閭門北斷潮明
繫舟入宿小
蘆花半夜空江聞鶴鳴

乙巳計六首

傷卧一春却寄西湖

玉壺三月醉錢唐
勝事空憐滯小牀
却寄相思六
橋柳今年春色為誰芳

答水部茅薦卿問又五首

遊仙詩寄翔鴻來避世金門有軼才憶到昭王禮
師處黃金臺上望蓬萊

說道長安公與卿丹砂相寄問長生山中自有黃
金鼎不是人間采藥行

矯首雲霄物外期相尋瑤草欲相遺不知碣石春
宮裏今日談天吏隱誰

漢帝金莖隔望春山家徒自茹芝菌須知閉戶棲
霞客不是方祠度海人

只媿鴟夷湖海蹤功成身退拂衣從不知何

公子却卧侯門學赤松

丙午

計十五首

溪上竟夕立對秋月

月光如雪散平川被髮行歌秋露前
隔浦漁人鷄唱出停橈來問候神仙

八月十六立月有聞

獨抱孤桐看月明
蒹葭寂寂露華清
誰家公子南樓興
夜出城頭簫管聲

新郎合歡曲十二首

序曰僧孺談禪悅道四十不婚五年辟
穀矣久隱靈鷲一日娶于酒家恠哉幻
耶作寄解嘲也當諷一

賀新郎曲會群真玉盃雲漿世外新夜出丹光白
如玉雙懸明月照佳人

幾年雲壑獨餐霞不是栖真重戀家玉洞傳來僊
女信相將春水飯胡麻

仙人汗漫日傾觴醉裏尋春花氣香不為酒家黃
鶴駐藍橋別自有瓊漿

老去劉郎更問津
天台洞口藥苗新
二毛猶是孤
牀客莫遣桃花錯
笑人

鵲橋牛女會銀河
象枕鴛衾擁鳳羅
四十餘年不
婚客三星今夕賦
如何

五噫不厭鹿門貧
執爨相依好避秦
借問清齋玉
壺酒可堪冰飲醉
新人

僊僊結伴采真遊
兩兩休餐望一丘
不見姬人怨
薄命更教秦女上
吹樓

石澗藤橋引竹籬
樓居好在卧支離
出山一去無

消息燕燕雙來春為誰

凌雲當日憶飄飄靈鷲山中對洗瓢記得相期玉
笙鶴如今別弄鳳皇簫

玄關幽鳥宿雲深忽漫鶯遷反故林不道懷仙步
虛曲翻成道士下山吟

漫言丹鼎秘尋真採藥寧花誤殺人河女別邀神
女夢黃房不是洞房春

兄弟禪心淨業賒楞嚴說戒幾空竿彌天四海人
今問有髮虞僧更有家

棲賢山中朱大遺物

衆如白玉貯崇蘭
好映松花石上餐
耐可山中舊
遊意相思特遣報春殘

丁未計四首

送南徐謝羽師四首

玉羽飄蕭半拂霜
夜乘華鶴叩黃房
曲牀坐對談
深處袖出金丹白玉光

海門江口是君家
魯伴山中瘞鶴沙
一握玄芝夜
深鼎牀前月照落潮斜

秋水談中紫氣虛三江襟畔是吾廬
攜將蓬島金光草寄到茅山玉洞書

御風來往白雲中說罷黃庭反絳宮
醉挾孤琴廣陵奏曲終飛去大江東

朱太復乙集卷之十八終

朱太復乙集卷之十九

五湖朱長春太復著

疏

上東事疏

總補原任刑部陝西清吏司主事朱長春為賊臣媚倭危國一日難留乞

陛下深察獨斷自為國計急退姦雄速遣勘使議頒明詔以振國威定國計尊國體事臣不敏竊聞主憂臣辱主辱臣死今東事久壞

使臣亡命醜夷倨慢兵計不測檄報枝梧策已
悞矣 國已辱矣

陛下憂矣 社稷殆矣當此之時得計則安失計
則危得人則安失人則危

陛下斷則安不斷則危而柄事者無一為

陛下焦勞發憤更弦決策茅選煥首眾泄：彌縫
曰亡恙耳病人悞藥久症已變喘息旦夕而猶
不知更醫定劑謂無動聽之臣自入 都日夜
裂眦拊心旁皇欲言自忍復輒自奮曰臣三年

狗馬忍死疆起唯欲得一當報

陛下今誠事亟願一言而死足矣終不忍生見
陛下獨立賊臣蒙蔽掩面偷安一旦禍發卒然負
國不可救也倭奴狂狡封事多虞天下盡知臣
昔所大患患獨倭陽為奸服迎詔禮使受封
緩吾無備也而以千人隨使入謝大兵尾而襲
之如此遼陽必喪京師必危不此出而見其
睚眦王命稽冊使逃情形已露雖曰嫫
辱國我淦因而備之猶有天幸

祖宗之靈或相之轉禍定傾在此一舉而賊臣石
星巧掩說飾罔衆欺

君傳有變則疑無變則信正使則漫副使則信揭
報則訛私書則信

陛下試問曰道遠傳異一寔一虛何據決之星何
以應乎外議多曰星偽以欺

陛下臣不忍言又有曰倭流言反間也即往者寧
夏孛賊竊變藩王士民之奏星身經之顧慮不
及乎而需、謂前報悉虛無事稱慶愚朝臣乎

愚

陛下乎

陛下既已疑之曰遣科臣一以完封一以勘彼中
情形而賊臣敢違明旨固請免遣駕言破壞
昔者蘇武顏真卿富弼王偉班皆儒者著節
科臣讀書知忠義而忍破壞國事人將不食
其餘星已壞

陛下事不忠不自罪而猜他人不忠星非慮其壞
封寔慮向賊臣與惟敬所許此事和親中有不

可開者一且勦破而開

陛下也此

陛下立見而奈何不悟也反復轉換白日鬼魅市
敵賣國人面獸心既已破矣技已窮矣陰賊貪
穢已著矣平生虛望掃地矣天下之人無不識
其心一城之人無不欲食其肉而

陛下尚委之樞筦望其幹旋兵食守備悉置弗問
今日遮蓋明日播弄一朝兵壓于境矢及于城
巧者不及謀勇者不及戰

陛下將安所寄命乎

陛下不自憂誰當為

陛下憂者進計者皆曰關白一海王耳無天志可
啗而飽甚則割朝鮮耳此大不然夫石勒羯夷
豪首百戰百勝猶曰胡人未有主中國而今女
直蒙古已嘗儼然統六合為天子海溱沙漠之
種誰無侈心秀吉練兵造船幾歲不休棄閩越
陸海珍府而北屯釜山爭朝鮮其志不在小
封使既至不迎親自提兵渡海據上流觀望其

情倪又見矣入淮揚山截運艘則咽喉塞抄登萊
略臨清則肘腋危指天津之口據通州之倉斷
密雲之救并日繼夜叩叩京師禍不獨結朝
鮮備不獨在遼左小西飛既來沈惟敬既去良
馬金幣既獻一統志既入中國道路阨塞士馬
虛實盡在目中朝廷情形弄于掌上夷德無
厭何所底止而星曰一力擔當彼秀吉于星父
子耶昆弟耶古云親父安知其非虎親兄安知
其非狼而遠隔萬里非我族類星何以任其無

咎一有咎殺星百口九族何益于天下何償
國家以

祖宗二百餘年太平基業而今星一身保之星以
愚

陛下

陛下奈何以自愚也夫

天子所以鎮伏群下惟此權振揚威紀惟此法信
壓衆志惟此今察過姦萌惟此明勸懲惟此賞
罰是非唯此勘定

陛下深居九重庶人巷議無由上聞大寮比周轉
展隱冒小臣言以為倉皇

主上疑則曲為解脫今日督責明日慰留今日請
勘明日請使今日請更使明日請免遣

陛下曰會議星曰不與議

陛下曰兼勘星曰破壞事已敗而不更國已辱
而不止一柄而三持朝令而夕更衡命而私斷
壅蔽而遏言威罰不振勘典遂廢弄

陛下如鑒于欺

陛下如聳聳背公死黨主弱臣強世事至此范
所謂知有穰侯不復知有昭王也

陛下春秋鼎盛諸臣老矣

陛下社稷至重諸臣命至微

陛下不自為計一日大難視此二三碌碌固寵庸
臣誰堪為

陛下骨鯁倚存亡安危乎

陛下至英明穆居深思豈不流涕平居言事皆歸
罪

陛下請朝講會
廷議今日欺玩附和不容

陛下發一疑勘一隱豈得言

陛下不聽諸臣寔諸臣負

陛下也輔臣寧負

陛下不忍負星石星寧負

陛下不忍負倭

陛下不去星倭情必不得遼報必不核
朝議必

不定
國威必不振謀士不進計猛將不用命

士卒不效死賊臣姦悞必不休夫倭入朝

夷相就耳無故出塞接戰代夷受禍一悞也惟
欲以通行成先結而平壤戰勝下令禁殺束手
求和二悞也屬國既服義成事完而頓師議封
議貢三悞也應昌養謙兩代廷議絕封而計
併朝鮮固請寔口救屈中國以事四悞也師退
勢弱而倭將來五悞也和未成而我兵撤劉鋹
逃徙六悞也平壤之後南兵先登一旦小故盡
殺七悞也功罪不決軍賞稽留八悞也諸龍光
械死九悞也謝隆捕問十悞也凡此十悞罪浮

秦檜情深胡惟庸忠義灰心將吏解體卒徒所以警上而言者關口也臣昨南來見浙兵還者人、慟哭呼天誓死不復應募而今又議召之又使殺者部之數目又聞故將軍豪傑私議皆稱星為本兵寧死不敢挂印都城士民搖、顛亂以星召倭至我輩安為城守如此舉動景象陛下尚欲用星星何以自効乎臣吳人頗知江南惡少俠徒四布陰伏伺釁崔起近復譟成風無故數千人蟻聚剗辱大姓淮揚之間民無食

土工作不停人不樂生豫章陶秦晉苦織兩
廣閩越米至斗白金二錢畿輔之家搜括騷屑
民多怨辭南北軍虛弱根本單薄九邊市戰兵
虛財詘將情虜驕國家有福倭不內犯則已
卒有鋒警非有元海元術窺于外則恐陳勝張
角起于中南北鼎沸首尾不救天下事尚忍可
言乎故曰無生我心無發禍始今日之事呼吸
耳成敗審于計安危決于人

陛下忍不自憂自奮自斷而尚令星為厲階坐傾

祖宗天下

陛下恕不得安枕卧矣

陛下曰李宗城紕繆乳子偷生辱命當時舉乳子者為誰無問倭變只此悞國星罪足以誅矣今方亨武人惟敬無賴不知禮義惟顧軀命安必賢于乳子乎頓愚而無以取之則封不成其禍速諂禮侈許以餌之則封成其禍深又負忠輸情反而入之則封成不成其禍俱大此數者幽微反復存亡之介而星始終不欲朝廷遣

一勸使其意何為其事何可知

陛下試深思不悚然懼乎故臣謂科臣代使可罷
往勸必不可罷止緒其情禁與其事亦安得從
破壞之此

陛下獨斷力行耳廷臣必不相勸也如此情形可
得備預可設封事無悞夷計不墮萬全之策也
陛下別又從中特發 明詔責倭奴以慢 命稽
迎負約之罪仍許其自新責二使臣以矯 制
輕脫入營之罪按宗城辱 命之誅詰惟敬不

協之故亦聽見在便宜相機成事自贖朝廷
置不問如此體統尊號令正中國增色夷人喪
膽必謂

大子明見萬里之外事成吾得其利享其榮不成
使臣即陷矯擅自取耳吾無辱倘亦王旦檄德
明領粟之意乎惟

陛下速發大臣公議之而急解石星兵柄拘留待
事以絕交通振紀綱警奸悞嚴命一下士氣
必奮局面必變而急擇大臣忠實為國識兵

計習過中衆所推服者主鈴定畫集思廣益選
將練兵相地置戍屹然守靜以待動寔中國以
撫四夷天下人心必安倭謀必阻 國家猶可
無事

陛下不可不速計夫封夷大禮也逃使大辱也事
凶倭則憂在不測危在頃刻不可不慮不可再
悞即萬一如星言事由使臣中國不成體面矣
夷人窺望在此舉動遣使勘問下 詔聲罪一
防不虞二尊 朝廷三杜夷情四增使氣五振

國恥封無害而國重若草、掩耳偷鈴置之度外亡一使補一使市井民家婚嫁禮會尋常通問且恥之豈不大輕朝廷大辱

陛下而遺笑四夷哉而大臣無一言及唯、從星是大臣顧星體面而不顧

陛下體面為國不忠也臣所以發憤痛哭泣血呼天叩

陛下而不忍不哀訴

陛下自奮自計自斷也

陛下不自斷 國不復可救石星不去 國不復
可救事勢至此臣敢好名臣敢偷生

陛下行臣言益于 國星即陷臣刺臣殺臣放臣
臣不恨也

代浙西守道張朝瑞上諫止開採疏
為地險憂深關係職守陳乞

聖明洞察亂萌以安 宗社生靈事臣聞山澤之
利天地所生本以資民匪止資國故王人者將
導利而布之上下者也古先王名山大澤不封

無禁恣民取之遺天下不盡之利以結天下不
傾之心故能保世以滋大及唐太宗時權萬紀
請採宣饒二州銀礦詔曰今所乏者非財也恨
無嘉言可以利民耳立黜之宋太宗時有司言
定州諸山出銀礦請置官署掌上曰地不受寶
當與百姓共之不許二君中主也猶然去說賤
貨惠民顯德史冊書為美譚永誠後世至于我
明

二祖相承益崇儉德巡檢王德亨老校丁成膏言

礦利以紂人規利窺撥斥之浙溫處閩建福當
開礦場以得不償費罷之

憲宗停陶金于寶慶

孝宗罷採珠于廣川

世宗開河南盧氏裕葉之礦未幾停止我

皇上初覽易州民人劉儒之奏抑置不問豈不以
地寶有限或暴發隨竭或採後不生况一施爭
奪蔓延盜起卒不可救事勢固然而不欲自開
厲階乎國家二百餘年天保孔固雖其膏澤

紀綱維治者久長而其深慮防危開亂者無自也頃因兩宮大功採金佐費以天地自然之利給公家緩急之用似亦理財一策屢奉

聖諭丁寧不許支費錢糧動衆騷擾大哉

王言恤民虞患既白于天下矣但礦利甚微諸費甚廣官帑既虛不免責成諸大戶領管大戶賠累艱苦千岐萬狀道路傳言公私所費者十礦之所得僅一公私所費者百礦之所得僅十且產礦諸山其中礦賊向多潛伏潛挖官不能盡

禁盜視為食土扼而奪之勢不生活竊發關越
初報房山橫嶺二三百人近河南葉縣圪當店
六七百人燒燬棚厰札傷官兵亂萌已見矣幸
其禍速徙黨未繁四方未響應官兵得壓卵制
之積久利多勾扇四集遠近並起或至數千萬
兵力豈能存在在勝之耶此其危機立至不待數
年矣然開採猶在直隸中州山陝地方未及江
南也近千十一月復奉

聖旨允聽用把總韓大拯請開採浙江觀海孝豐

諸暨八寶全浙等處礦山夫天下財賦江南居
十九朝廷國計所資重自古四方有變江南
常保全以待而

我祖奠基金陵澤同豐鎬勢以相洛浙江固其三
輔要地也近自萬曆十六年來水旱頻仍饑饉
荐至荷

皇上蠲賑屢頒而瘡痍猶未盡起逋賦日苦追呼
流離未能盡復且京庫夏絹浙江額供九萬八
千餘疋近年蠶桑失利新頒絹式改樣改造賠

費尤多一役牽十餘年一縣所破數百十家是
民隱可恤也萬曆二十四年嘉興湖州五月大
旱八月大水杭州黑青為厲大火為灾定海衛
雷火燒燬城樓今歲正月十二日雷電先作二
十日大雪如米二月初二日雨黑水初三四日
落黃沙是天變可畏也不加優恤而又行採礦
騷之乎觀海諸暨八寶諸礦地在浙東臣不能
盡知孝豐在浙西正臣轄管地方臣嘗考之其
縣山溪溪邃民多強獷上連直隸徽州寧國廣

德諸山下襟帶太湖盜賊出沒易與為亂正德間廣茗鄉湯毛九楊昂集衆數千虎嘯山谷剽掠居民流劫旌德縣庫入城郭如空廬殺官兵如草芥猖獗數年吳越幾危都御史張津奏聞起金浙之兵勦之不勝知府呂盛身入賊營招諭多方始能降之嘉靖間江天祥以雙家私忿糾集強徒千餘人露刃相殺結營號署郡縣官招不能平兵不能制賴鄉故主事唐樞奮身往說利害始收兵泣拜而下此其喜亂難靖往事

明驗兩浙輕心之民梟徒盜藪如尋常者未足
一二數也礦山有二一名俞嶺一名銅坑嘉靖
三十八年撫臣胡宗憲以兵興嘗開採數月每
砂五十斤煎銀不過錢餘得不償費富人謝大
本等賠累罄如民情騷然鼎沸而風聞虔州婺
源等處豪健惡少頑民趨赴爭採初僅數十人
踰日而百又踰日而千蜂湧挖掘不得利缺費
難歸邑民貧悍無賴者群蟻傳之恣行擄掠殺
死吳毛四等二百餘人因而封禁是利既不足

開害又不可開也該縣係成化年間新建民戶不多臣奉命日即督行府州縣講求開採之法防禦之計近據該縣申稱百姓一聞開礦貪選大戶多棄業逃散商旅盡閉山谷一望空然幾無民矣所苗唯推剽禽行劫殺不逞之人與平居盜矻礦徒耳四顧垂涎顧一日起事攘臂連袂而至而他處流賊游手姦人群赴乘之以好亂之俗乘啗利之爭群亡命之徒奔走于驚死不反顧之計高山阻絕易守難攻烏合麋至日

多曰開變恐不獨如河南亂恐不獨如毛九
祥等也昔年蘇州撫臣奏諸豪貴人亡行惡少
子弟煽結不執事雖未行蹤跡有端今其黨侶
伏藏散布三江五湖之間猶繁有徒孝豐改其
肘腋鄰境也一朝亂起望利而趨乘瑕而動內
有盤結窟穴之礦徒外應四聚伏莽之亂民主
以富豪連引募召指揮之大猾不逞卒發表裏
響應北固以南括蒼以北旦夕恐為戰塵流血
之地矣天之方賑民之多辟安靜鎮之猶虞意

外而况自我生亂以挑誘之乎方今倭虜東窺
兵戍未息黃河南彼輓輸不進礦徒潛伺山之
東西河之南北中原事勢已屬多虞猶幸大江
以內晏然無事為

陛下二十五年休養生息遺黎緩急可恃無恐今
採金

命一下吳越千里囂然喪樂生之心倘浙西之亂
民與浙東合江南之亂民與江北合首尾橫決
左右不支值此無兵無食之時不知當

以應之一處採礦一處聚礦徒其憂在民慮
採礦處處聚礦徒其憂在國

陛下履至尊而制六合臣竊億兆玉帛萬國即司
農告匱自有生財大道節流為源量入為出三
制三十年之通不講求安用鑿空尺寸之利以
貽不測之憂哉計又出桑孔平準秋毫下矣失
計小也啓戎大也一日燎原不救盡案興利之
小臣夷三族無益四海伏望

聖明惻然長慮俯念東南重地民力久竭危機可

畏 勅下該部查勘特免孝豐開礦則西浙安
地方之幸臣之願也並免觀海等處開礦則全
浙安則東南安尤

皇上浩蕩洪恩長慮却顧至計也惠息生民計安
宗社紹帝王法

列祖格天保治在此一舉而

聖德光于天下後世矣臣有守土之責今不預陳
將來萬一事變臣測臣雖萬死何益于民可補
于國是臣希寵觀望苟容僥免目前之計而長

負

陛下也語曰小忠大忠之賊臣何忍焉謹冒死
聞

一集卷之九